

## TITRE PREMIER.

*DES FRANCHISES , EXEMPTIONS  
& Immunitéz des Imprimeurs & Libraires de Paris.*

### ARTICLE PREMIER.

**L**ES Imprimeurs & les Libraires seront toujourns censez & reputez du Corps & des Supposts de l'Université de Paris , du tout distinguez & separez des Arts mécaniques , & en cette qualité maintenus & gardez en la jouissance de tous les droits, franchises & prerogatives à eux attribuez par les Rois nos predecesseurs & par Nous.

### AUTORITEZ.

Declaration de Loüis XII. à Blois, le 9. Avril 1513. Voulons que les Libraires, Relieurs, Enlumineurs & Escrivains Jurez de nostre Fille l'Université de Paris, qui sont en nombre de trente. Scavoir, 24. Libraires, deux Relieurs, deux Enlumineurs, & deux Escrivains Jurez, soient & demeurent francs, quittes & exempts de la contribution de l'Octroy & Impost de trente mille livres, à Nous accordé par nostre Ville de Paris : sans que les Prevost des Marchands & Eschevins de nostredite Ville les puissent contraindre en payer aucune chose, jaçoit qu'il soit mandé faire contribuer exempts & non exempts : En quoy ne voulons iceux Libraires, Relieurs, Enlumineurs & Escrivains estre compris. Et outre, Voulons qu'ils soient francs & exempts, tant dudit Impost, que de toutes Tailles, Aydes, Gabelles, Impositions, Dons, Octrois, Prests, & autres Subsidés mises sus ou à mettre, imposées ou à imposer en nostredit Royaume & Ville de Paris, par Nous & nos Successeurs, &c. Et outre, Avons déclaré & declarons que les Livres, soit en Latin ou François, reliez ou non reliez, estre francs, quittes & exempts de tous Peages, Chef-d'œuvre, Chauffée, Imposition foraine ou Pavez, quelque part qu'ils soient transportez, soit par eau ou par terre, sans que pour lesdits Livres, lesdits Libraires & Voituriers, portans & conduisans iceux parmy nostre Royaume, ou hors, soient tenus payer aucun Peage, Acquit, Imposition ou autre Subside quelconque, soit que lesdits Livres appartiennent aux Escoliers, Libraires Jurez ou autres non Jurez, mais les laisser passer



franchement & quittement, sans les arrester ou contraindre à payer aucune chose pour lesdits Livres.

Confirmation de ce que dessus par Lettre Patente de François I. Roy de France, en date du 20. Octobre 1516. & du 5. Juin 1543. verifiée en Parlement le 17. Juillet ensuiuant, *Dempto Articulo concernente Excubias, & Portarum custodiam hujus Urbis Parisiensis, tempore imminentis periculi, & necessitatis ingruentis.* Confirmé par Henry II. au mois de Septembre 1547. verifié en Parlement le 17. Avril 1548.

Declaration d'Henry II. donnée à S. Germain en Laye, le 23. Septembre 1553. A v o n s ordonné & ordonnons par maniere de provision, & jusques à ce que par Nous y soit autrement pourveu, que les Livres écrits ou imprimez, reliez & non reliez, seront & demeureront exempts des Droits de Traite-foraine, Domaine & haut-Passage. Faisant inhibitions & défenses à tous nos Officiers sur le fait & Reglement de nos Droits de ladite Traite & Imposition foraine, Resve, Domaine forain & haut Passage, & à tous autres qu'il appartiendra, de ne lever ou exiger aucune chose desdits Droits pour raison desdits Livres, en quelque temps que ce soit. *L. P. R. à Paris en Parlement le 24. Octobre 1553.* Confirmé par le Roy Charles IX. en Mars 1560. verifié au Parlement le 3. May 1561.

Le Sieur de Tancre prétendoit avoir Droit sur les Marchandises de Librairie passant sur la riviere de Loire, & avoit arresté des Livres; La faisie ayant esté déclarée tortionnaire par le Presidial d'Angers, y eut Appel, sur lequel Arrest du 23. Juillet 1565. par lequel fut dit qu'il avoit esté bien jugé.

Arrest du 23. Mars 1574. par lequel défenses furent faites aux Fermiers du grand Peage d'Orleans, de lever aucun Droit ny deniers sur les Livres. Fait inhibitions des maintenant ausdits Fermiers dudit Peage, & leurs successeurs, Commis & deputez, & à tous autres, de plus prendre, lever, n'exiger aucun Droit ne deniers sur especes de Livres, Librairie, passans & repassans par les détroits dudit Peage, qui se leve sur ladite Riviere en ladite Ville d'Orleans & Ports d'icelle; Et ce sur peine de payer le quadruple, & plus grande amende s'il y échec, dépens, dommages, & interets des Parties sur lesquelles ledit prétendu droit seroit levé & exigé, & a condamné & condamne lesdits Fermiers à rendre & restituer ce qu'ils ont pris & levé, & aux dépens.

L'Edit de la Création des Mestiers estant publié, ceux qui avoient charge de l'exécution dudit Edit, voulurent comprendre les Imprimeurs entre les Artisans mécaniques, ce qui estoit contre l'honneur de tout temps attribué à l'Art d'Imprimerie. Dequoy les Imprimeurs & Fondateurs de Caracteres, firent tres-humbles Remonstrances au Roy & à Nosseigneurs de son Conseil: Tellement que par Arrest dudit Con-

Case

Wing

folio

o 2

144

. A 1

v. 1

no. 1